

醫藥叢書第二集
第五種吳士醫案卷二

中華民國七年冬月鐫版定價每冊

吳氏醫案卷二

紹興醫藥學報社發行

興醫藥學辭典

版藏紹
興裘氏

中華民國十年冬月出版

醫學叢書第二集敘

嘗謂一國之文明恃乎一國人維持之力而定其發達之程度伏羲之畫卦倉頡之造字神農之嘗藥使非後人起而維持光大之亦烏能傳於今日耶故大易曰作者之謂聖述者之謂賢韓昌黎曰莫爲之先雖美弗彰莫爲之後雖盛弗傳然則學術之興衰文化之優劣其繫於人何如也中醫自歐化輸入以來淺識之士往往厭故喜新是丹非素豈知中醫學術有超乎西醫之上者全國藥材有補歐美之缺者此其故蓋有數因爲一則中國文化發明在先其精神所到之處已非歐人所能及故中醫古書所言之理多有爲西醫所不能道者一則中國地大物博金石草木之中多有奇效藥品爲歐美所無者一則數千年來名醫輩出一家有一家之長一書有一書之用融會貫通已覺應用無窮以視彼醫校之數卷講義其精粗得失爲何如耶有此三因故中醫學術微獨相傳至今不墜且將永傳於無窮也顧自洪楊亂後名家著作湮沒失傳者不

渺近歲兵革疊興烽煙所至城邑爲墟生命財產舉莫能保而書籍之損失殆不知有幾千萬卷也豈非至可惜之事哉紹興裘吉生先生湛深醫術年來與其鄉邦名宿設會刊報提倡醫學洵今日之有心人也近復鑒於古書零落先賢遺籍湮沒不彰者甚多因慨發巨資選刻叢書其第一集已刻成者爲莫枚士研經言周氏易簡方集驗方羅謙甫醫案吳鞠通醫案惜分陰軒醫案人葭考今第二集刻工又竣於研經言數種外復搜入市隱廬醫學襍著李冠仙知醫必辨其中或爲先賢遺籍或爲時賢名作皆極關重要之書也學者誠得此書而研究之已如入寶山而握驪珠其必能深造無疑也或者謂中國醫學今日已窳敗極矣而子獨津津贊美之何也余應之曰中醫之窳非窳於學術之不良實窳於人之不學亦猶今之國事敗壞生民塗炭也豈真中國之不可治哉執政者之不得其入也不但掌兵符之將帥不能如郭汾陽之赤心爲國而懷經濟之儒臣亦多心存利祿則國事安得而不敗哉惟醫亦然故欲求醫學

之昌明必先提倡學風苟人人皆以學術爲本精益求精則良醫必遍天下若不此之務而惟門戶之爭吾恐中醫固不良者多而西醫之不良者將接踵而起也豈不令人浩歎哉然則裘君此書當爲提倡醫學之嚆矢而於醫學前途有絕大關係者也爰樂爲敘而歸之

中華民國七年戊午九月江都袁焯桂生甫拜敘

醫藥叢書第二集總目

第一種 李冠仙知醫必辨全

第二種 市隱廬醫學襍著全

第三種 莫枚士研經言卷二

第四種 羅謙甫治驗案卷下

第五種 吳氏醫案卷二

第六種 惜分陰軒醫案卷二

醫藥叢書第二集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬荅從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑而此書一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另議外照定價均無折扣但書業報社代售者不在此例

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻

列

一購書者將書價及郵費一併用郵匯最爲妥便不通郵匯之處以郵票代銀

亦可但須固封函內掛號直寄紹興城中醫藥學報社收當班奉書不悞

一下集所採書書目研經言吳氏醫案惜分陰軒醫案續刻外餘爲葉氏晚年

醫案周氏集驗方續編張氏白喉證治通攷其亦六種幅頁較前加增定價

仍每部一元六角外埠加郵力二角六分惟因紙價昂貴不售預約

式同志會以錄書只惠贈者爲望

一最善事校次釐證錄我寶錄普並口行古烈一冊本俱附流重不延國文四

醫藥叢書第二集凡四

吳鞠通先生醫案 卷二

目錄

中風

癰癤

肝風

肝厥

脇痛

肝癰

癲狂

虛勞

吐血

衄血

便血

腫脹

單腹脹

腹脹

滯下

積聚

淋濁

泄瀉

中風

目錄

目錄

吳縣縣志

卷二

吳氏醫案卷二

高德僧汝賢重錄
後學
裴吉生慶元校刊

中風

陶氏

六十
八歲

左肢拘攣舌厚而蹇不能言上有白苔滴水不能下咽飲水則噎

此中風挾痰之實症前醫誤與膩藥補陰故隧道俱塞先與開肺

生石膏

四兩

杏仁

四錢

鮮桑枝

五錢

雲苓塊

五錢

防己

五錢

白通草

一錢

五分

姜半夏

五錢

廣皮

三錢

煮三杯分三次服

服一帖而飲下咽服七

帖而舌腫消服二十帖諸病雖漸減而無大效左肢拘攣如故舌腫雖消而語言不清脈兼結余曰此絡中有塊痰堵塞皆誤補致壅之故非針不可於是延邨七兄針之針法本高於舌上中泉穴一針出紫黑血半茶杯隨後有物如蚯蚓令伊子以手探之即從針孔中拉出膠痰一條如勻粉

長七八寸左手支溝穴一針透關左手背三陽之絡用小針針十餘針以後用藥日日見效前方止減石膏之半服至七十餘帖而能策杖行矣服九十帖能自行出堂上轎矣諸症悉除

哈六十歲

中風溼口歪臂不舉腿腫脈洪數口渴胃不開與辛涼開水道法

石膏

生四兩

茯苓皮

一兩

桂枝

三錢

滑石

飛一兩

晚蠶砂

三錢

防己

二錢

半夏五錢

白通草

二錢

桑枝

五錢

煮三杯分三次服

二帖而效十四帖

全愈後以補脾胃收全功

葉氏

三十歲

中風神呆不語前能語時自云頭暈左肢麻口大歪不食六脈弦

數此非中也與柔肝法

直生地

八錢

白芍

生三錢

左牡蠣

五錢

生鱉甲

五錢

麥冬

二錢

炙甘草

三錢

錢

煮三杯分三次服

一帖而神有清意人與之言能點頭也又於前方

加生阿膠二錢丹皮四錢三帖而半語七帖而大愈能食十二三帖而如

故

李氏七十歲伏暑夾痰飲肝鬱又加中風頭痛舌厚白苔言蹇畏寒脈洪數而弦

先與辛涼清之

連翹三錢 苦桔梗三錢 桑葉三錢 銀花三錢 茶菊花三錢 甘草一錢 薄荷

一錢五分 刺蒺藜二錢 煮三杯分三次服 四帖

又頭痛畏寒舌厚漸消苔不退茲以通宣三焦兼開肝鬱

飛滑石六錢 半夏四錢 白蔻仁二錢 雲茯苓連皮五錢 薏仁五錢 廣鬱金

二錢 杏仁泥五錢 香附二錢 白通草一錢 煮三杯分三次服 服二十餘帖 而大安一切

復元

瘰癧

己卯七月 某氏其人本有肝風頭痛病根少陽鬱勃真水不能上濟可知又現

伏暑內發新涼外加金來尅木木愈病矣少陽所致爲瘰癧理固然也勉

與清膽絡兼清心包

犀角 三錢

羚羊角 三錢

茶菊花 三錢

丹皮 五錢

細生地 五錢

鉤藤鈎 二錢

桑葉 三錢

苦桔梗 二錢

鮮荷葉 去蒂一枚

甘草 一錢五分

煮三杯分三次

服 間服紫雪丹一二錢

又

此症肝風無疑昨服柔肝清熱之劑而燒退是外邪已解現在六脈弦細手足發涼似有厥意治法熄風之中似宜添入開心胞之絡爲是倘一二天不醒便難挽回矣

細生地 五錢

沙參 二錢

生牡蠣 三錢

羚羊角 三錢

丹皮 五錢

刺蒺藜 二錢

生鱉甲 三錢

阿膠 二錢

石菖蒲 一錢

茶菊花 二錢

甘草 一錢

嫩桑枝 廿寸

煮三杯分三次服 間服紫雪丹牛黃丸

又

用玉女煎加犀角丹皮

又

用玉女煎加犀角丹皮連翹銀花重用石膏知母

又少陽頭痛甚急外因亦未盡解

生石膏一兩 連翹 連心三錢 茶菊花三錢 細生地五錢 銀花三錢 冬桑葉

三錢 左牡蠣五錢 麥冬 不去心五錢 鈎藤鈎二錢 羚羊角三錢 丹皮五錢

生甘草一錢 炒知母二錢 天冬二錢 煮三杯分三次服 間服紫雪丹二

分

肝風

癸亥正月廿八日 章氏七十歲 老年上虛下盛又當厥陰司天之年厥陰主令之候以故

少陽風動頭偏右痛目係引急最有壞眼之慮刻下且與清上

羚羊角三錢 連翹一錢 刺蒺藜二錢 茶菊花二錢 桑葉二錢 生甘草八分

苦桔梗一錢五分 薄荷八分 煮二杯分二次服日二帖服二日

三十日 少陽頭痛已止現在胸痞脇脹肝胃不和肢痛腰痛議兩和肝胃之中兼

與宣行經絡

桂枝尖二錢 半夏五錢 製香附二錢 杏仁泥三錢 廣皮一錢五分 生姜汁

三匙 廣鬱金二錢 青皮一錢 煮三杯分三次服 一帖

二月初 因食冷物晝寐中焦停滯腹不和泄瀉與開太陽闔陽明法

桂枝五錢 茯苓塊五錢 肉果煨一錢五分 半夏三錢 生茅朮三錢 炮姜一

錢五分 猪苓三錢 藿香梗三錢 廣皮一錢五分 澤瀉三錢 廣木香一錢五

分 頭煎兩茶杯二煎一茶杯分三次服

初四 諸症向安惟餘晨泄左手脈緊宜補腎陽

茯苓塊五錢 補骨脂二錢 蓮子連皮五錢 生於朮三錢 煨肉果三錢 芡實

三錢 兔絲子二錢 五味子一錢 水五碗煮成兩碗分二次服渣再煮一椀

明早服

初七 卽於前方內去兔絲子加牡蠣粉三錢

初十 太陽微風以桂枝法小和之